

# DIRASAUN JERAL OPERASIONAIS HATO'O ATIVIDADE SERVISU BA MI

Tersa (16/03/2015), Ministru Interior, Dr. Longuinhos Monteiro halo reuniaun internal ho Dirasaun Jeral Servisu Operasionais, ne'ebe lidera husi Diretor Geral Dirasaun Jeral Servisu Operasionais Ministeriu Interior nian Sr. Domingos Pinto, akompaña husi Diretores Nasionais, Xefi Departamentu, pontu fokais, hamutuk ho funsionarius Servisu Operasionais tomak. Enkontru ne'e hala'o iha salaun enkontru Ministeriu Interior, Vila-Verde Dili.

Tama ba sesaun dahuluk, Diretora Geral hatete, "Nudar Funsionariu Publiku, ita servisu tuir lei no ordem ne'ebe regula ona iha ita nia lei organika. Ohin ita halo sorumutu ida ne'e, atu hato'o difikuldades ne'ebe durante ne'e ita enfrenta iha terenu. Ho difikuldades hirak ne'e, Sr. Ministru bele iha koñesementu, hodi nune'e, Sr. Ministru mos bele fo orientasoens ruma atu ita hala'o, tuir programa VI Governu nia servisu.

Hafoin halo apresentasaun badak, Ministru Interior DR. Longuinhos Monteiro, mos esplika katak, "Objetivu husi enkontru ida ohin ne'e, hanesan kontaktu primeiru ho Dirasaun Jeral Operasional nian, depois de asumi kargu ministeriu nian.

Entretantu tuir Diretor DNSPP Sr. Francisco da Silva hatete, "hanesan servisu operacional, ami persija statutu ida para hodi motiva funsionariu sira, difikuladades seluk maka orariu servisu, transporte no farda ba DNSPP.

Iha oportunidade ida ne'e mos, Diretora Nasional Sra. Lidia de Carvalho hatete katak, DNPKK halo ona koordenasaun ho dirasaun ne'ebe maka tutela iha Ministeriu interior inklui mos PNTL, hala'o mos koordenasaun parseiru nasional sira hanesan Sociedade Sivil, halo mos servisu hamutuk ho parseira dezvoltamentu sira hanesan OPAC, sociedade sivil ida husi Japaun nian, ne'ebe halo nia projetu pilotu iha area Comoro, UNDP, UN Woman, nomos linhas ministeriais relevante seluk.

Hatan ba ida ne'e, Ministru Interior hatete, Liga ho kestaun seguransa estadu nian, karik persija formasaun spesial ruma ba DNSPP, ita iha PNTL ne'ebe bele fo atividade ekstra hirak ne'e. karik formasaun ne'e maka persija area ruma no lori tempu, enerjia no kapasidade spesial, ita bele uza Rairobo ba halo formasaun durante semana ida.

Ministru mos hatete, ita iha lei ida atu regulariza ita maibe, sei iha mos alterasaun iha ita nia lei organik foun. Tanba ne'e, ohin ita halo apresentasaun jeral deit, husu ba Servisu Operasionais sira (DNPKK, DNPC no DNSPP), atu partilha informasaun ba kualker atividades movimentu, tan ida ne'e importante tebes. Tenik Ministru Interior. Elisa Barreto



